

## 76. stjórnarfundur haldinn í Végarði 9. apríl 2014.

Mætt: Hjalti Þór Vignisson, Björn Ármann Ólafsson, Böðvar Pétursson, Eygló Kristjánsdóttir, Rósa Björk Halldórsdóttir, Sigrún Helgadóttir og Snorri Ingimarsson og einnig Þórður H. Ólafsson, framkvæmdastjóri. Reynir Arnarson boðaði forföll.

Fundur hófst kl. 9:00

### 1. *Samþykki dagskrár*

- Framlögð dagskrá samþykkt.

### 2. *Fjármál*

- *Rekstrarniðurstaða 2013*

Fyrir liggja drög að ársreikningi fyrir árið 2013 og þar er helsta niðurstaða sú að rekstrarmegin er aðeins afgangur og hins vegar stendur höfuðstóll fyrra árs nánast í stað.

- *Fjárlagatillögur 2015*

Í framhaldi af ákvörðun síðasta fundar varðandi fjárlagatillögur stofnunarinnar fyrir árið 2015, um að þær yrðu í megin dráttum á svipuðum nótum og fjárlagatillögur stofnunarinnar voru fyrir síðasta ár, þá hafa ráðuneytinu verið kynntar fyrstu hugmyndir. Í fyrsta lagi er farið fram á viðbótarframlag til rekstrar, sem gæfi stofnuninni svigrúm til að ráða viðbótar starfsfólk. Í öðru lagi er farið fram á verulega hækkun á framlagi til framkvæmda í þjóðgarðinum.

Stjórn stefnir að fundi með sveitarstjórn Skaftárhrepps í júní.

### 3. *Gjaldtaka af ferðamönnum*

Tekin var saman stutt greinargerð um drög að frumvarpi til laga um náttúrupassa og var hún send á bæði atvinnu- og nýsköpunarráðuneytið svo og umhverfis- og auðlindaráðuneytið.

- Stjórn ítrekar afstöðu Vatnajökulspjóðgarðs sem birtist í þeirri greinargerð frá mars sl. Jafnframt felur stjórn framkvæmdastjóra til að taka málið upp við aðra forstöðumenn stofnana sem fara með friðlýst svæði með það að markmiði að setja af stað vinnu til að sameinast um tillögur í þessum efnunum.

### 4. *Fundur með svæðisráði austursvæðis*

Mætt voru auk Björns Ármanns Ólafssonar, Ruth Magnúsdóttir, Jóhann F. Þórhallsson, Þórhallur Þorsteinsson, Skúli Björn Gunnarsson og Einar Kr. Haraldsson.

- Þjóðgarðsvörður austursvæðis, Agnes Brá Birgisdóttir kynnti helstu atriði um rekstur og framkvæmdir á árinu 2013 svo og helstu atriði sem snúa að rekstri á yfirstandandi ári.
- Einnig fór hún yfir vinnu og samráð við breytingar á Stjórnunar- og verndaráætlun fyrir nýja svæðið í þjóðgarðinum, Krepputungu.

- Stjórn sammála um að hefja sameiginlega vinnu með Ferðafélagi Fljótsdalshéraðs og Ferðafélags Húsavíkur og öðrum hagsmunaaðilum til að greina ástæður fækkunar gistinátta í Kverkfjöllum. Jafnframt að funda aftur á haustdögum með svæðisráði til að ræða og leggja línur um áframhaldandi starf í Kverkfjöllum. Einnig samþykkti stjórn að ráðast í aðgerðir með Ferðafélaginu um uppbyggingu brúar í Kverkfjöllum. Rætt var um stækkun þjóðgarðsins á þessu svæði og mikilvægi Möðrudals á Fjöllum í því samhengi. Framkvæmdastjóra og formanni svæðisráðs veitt áframhaldandi umboð í viðræður við landeigendur þar.

## 5. Vonarskarð

- *hjólræiðar og önnur umferð um Vonarskarð*

Fram er komin greinargerð frá starfsmönnum þjóðgarðsins dags. í apríl 2014, sem tekin var saman í tilefni af stjórnsýsluákæru sem send var umhverfis- og auðlindaráðuneytinu. Í greinargerðinni er lagst gegn því að núverandi ákvæði um bann við hjólræiðum í Vonarskarði verði breytt.

Mikil umræða fór fram um málið þar sem rætt var um aðgengi ólíkra útivistarhópa að svæðinu út frá jafnræði og náttúruvernd. Komu fram athugasemdir frá Snorra Ingimarssyni um að gögn undir þessum lið hafi ekki borist fyrr en sólarhring fyrir fund, þannig að allt of seint var að koma með sjónarmið hjólræiðamanna. Jafnframt greindi Snorri Ingimarsson frá hörðum mótmælum hjólræiðamanna vegna þessarar greinargerðar starfsmanna þjóðgarðsins og þeim rökum sem þar koma fram, en ekki gafst tími til að setja þau fram skriflega fyrir fundinn.

- Stjórn Vatnajökulspjóðgarðs sammála um að taka málið upp að nýju. Stefnt að ferð í Vonarskarð nk. sumar, þar sem jafnframt verður metin umferð annarra útivistarhópa um svæðið. Stjórn felur framkvæmdastjóra að upplýsa hjólræiðamenn og umhverfis- og auðlindaráðuneytið um þessa niðurstöðu og óska eftir viðeigandi fresti til að svara framkomnu erindi um málið.

## 6. Svæðisráð-fundargerðir

Farið var yfir fundargerð norðursvæðis frá 30. mars sl., þar sem m.a. var rædd fyrirhugðuð gjaldtaka við Dettifoss að vestan og eftirfarandi kemur fram í fundargerð:

- Rædd var staða sem komin er upp við Dettifoss að vestan eftir að landeigendur Reykjahlíðar lýstu yfir áformum um gjaldtöku við Dettifoss. Eftirfarandi ályktun var samþykkt einróma:

*„Svæðisráð norðursvæðis Vatnajökulspjóðgarðs mótmælir harðlega einhliða ákvörðun Landeigendafélags Reykjahlíðar að rukka ferðamenn um aðgangseyri að Dettifossi.*

*Landsvæðið við Dettifoss vestan Jökulsár er að stórum hluta í eigu Ríkisins, í umsjón Vatnajökulspjóðgarðs, og þar eru bestu staðirnir til að skoða fossinn. Til þessa hefur sú uppbygging sem verið hefur á svæðinu verið kostuð af opinberu fé og hafa landeigendur Reykjahlíðar hvergi komið þar nærri. Svæðisráðinu finnst sérkennileg afstaða Landeigendafélags Reykjahlíðar að ætla eingöngu að sinna svæðinu yfir háannatímamann, þegar helst er tekna von, en skipta sér síðan ekkert af svæðinu í annan tíma.“*

7. *Verkefnalisti*; Farið yfir þau verkefni sem bæst höfðu við frá síðustu útgáfu.

8. *Næsti stjórnarfundur verður 11. júní. nk. í Reykjavík.*